

**Toma :**

Atutubet na sodit - Aitacaunet

Atutubet Naiyareit - Nutupitono  
kanuswama koyaitene  
loka alupok nu ateker

Atutubet Nakiuniet - Apedorosio nuka  
ajaut ka alupok

Atutubet Naiwongonet - Eidare loka  
alupok

Atutubet Naikanyet - Eipone lo  
itolosere Agwelanari  
naka Alupok ko Teso

Atutubet Naikanyet kape - Ikisila

## **Nutupitono ka nuiswama koidare loka alupok nuka ateker ka apedorosio nuka ikulepek alupok, enaaba losodit 2008.**

Nutupitono kanuiswama kanu aisipedoor ajaut kede  
alupok nuka ateker, aitoswam alupok nuka ateker,  
eipone lo akorarere kede iponesio ice lu itemonokinere  
akiro nuikamunitos alupok ko Teso

**June, 2008**



**Land and  
Equity Movement  
in Uganda (LEMU)**

*Making land work for us all*

## Atutubet na sodit: Aitacaunet:

### EWAI LO SODIT

Kopitene, kanu aiboisio nu icokio akituk, isama, aboliasio ka ailajaanar, ne itolosere asubanasia nuka epitene, ne emejaere, Kotoma anutupitono ka nuiswama, arai diat ejai abunokin –

- a) Ateker ko Teso ngesitunga luk'ediope etale.
- b) "Eruman" ngesiitungananyenesekuni ateker ayait ere kalokatwan.
- c) "Iboro kalo atwan" kes imoriaritos alupok nu inyeikinit nesi komam etyakanakit itunga luk'okale ke ido koraas alupok ngun nu etoswamai lo atwan.
- d) "Akiro nu arokok" nu ititingarere alupok kesi imoriaritos amasia, airimio taai, agwelia iboro lu ebeeyi kwape nat eredio lo ebolia akaset, kanu amanyia angor ace kede agwelia goen lu etiai.
- e) "Alupok nu Ateker" kes alupok nu irumunonio ko Teso konye komam iwadikauna kotoma *Registration of Titles Act* arai komam eraasi nuka apugan nako kwape arai bo nat nak'okiding.
- f) "Iboro lu Emori Ateker" kesi iboro lu ejaas alupok nu ejaatatar ateker kapedorosio, kwape nat alupok nu icokio ibaren ka nu emejaere ityang kais, mere lu ejaasi akanin k'itunga idiopediopen, arai lu ekal.
- g) "Ekingol" ngesi egelit lo itelemunio etunganan lo epotikini apese kokale tetere ikoku yen idounio eraun yenike, mere asalakin okale.
- h) "Akiro nu ajokak" nu ititingarere alupok kesi nuta: adumunia isirigin lu amukian, esomero, emanyit, atacia apesen kwape icorakinitor ekooti kede aiyatakin edumune ,konye kocamunitos itunga luka okale kere ka ateker.
- i) "Apolon loka ekale" ngesi imoriarit eruman, etunganan lo edukokina lo atiakaki papake alupok , apuserut, ikoki yen epol adepar luce kokale kangol, apese na mam edukokina kosalakinite aiboi orekec kede aberu na alacakinos kede k'okilenike kosodi abongun orekec.
- j) "Akiro nu epolok edolit ajenun ititingaario alupok" kesi imoriaritos, ibore ekotor ituan aititingaar alupok, alalau na alupok kangun, ka nu esalakinete, kede etiai k'itunga lu ejarete kalupok kangun, arai ititingaaritor nges alupok pac, irwan imwaasi ai ido etia bo aii, kacie da.
- k) Erai lteso *Cultural Union* atukot naka epitene loka iteso, na adukunio otupitete aibunget na ikisila luka Uganda, luka 1995, nada esipedori aseunio naka Emorimor Papa lteso.
- l) E "Recorder" ngesi egirigiran kwape ejaar kotoma okisil lo alupok luko Uganda 1998, kwape *iteteunitere*.
- m) "Aititingaar alupok" ngesi imoriarit , akorar kwape ainakinet.
- n) "Teso" ngesi imoriarit idistrikta luka Soroti, Kaberamaido, Bukedea, Kumi, Katakwi, Amuria, arai idistrikta ice lu etyakunio ko Teso ka aibosio ace nuka Uganda nu imorikikina Teso.
- o) Ateker naka "ekale" nesi ateker ka apolon ekale ka ngol .
- p) "LC" ngesi ekaasulo lo eseunitai kotupitete ekisil loka *Local Government* ido kimoriarite ngul lueburokinete kes.
- q) "Edukone" arai "emanyit" erai aimorikikin naka ekilokit kede aberu kotupitete ikisila luko Uganda.
- r) "Ikoki" ngesi ikoku yen atwakata auriak ke koroko edolo ikaru 18 lu apolou.
- s) "Ikomitin luka Ateker" kesi Ikomitin luk'ocaalo lu Ateker, Ikomitin luk'oitela lu Ateker, Ikomitin luk'otem lu Ateker, Ikomitin luko distrikt lu Ateker, Ekaasulo loka ICU lo edukinitai kotupitete aibunget naka ikisila luka ICU.

## **Atutubet Naiyareit – Nutupitono kanuswama koyaitene loka alupok nu ateker.**

### **EWAI LO IYAREIT:**

Ejaasi alupok nuko Teso akanin nu atekerin nuka lteso kanuka ajokis kec.

- a) Emamei idio tunganan,arai da lo epolokit ekale, yen ecamakitai agwelar alupok nu ateker nu idari ngesi, kanu ajokis na ekale ka aturio nu epote koingaran.
- b) Epedorio aititingaar alupok kanu bon ajokis naka ekale konye kojai apedor naka itunga kere luka ekale kangol, arai ejasi arai emameete, ekomiti loka ateker kede acamunet naka aberu arai angor nuka okale kangol.
- c) Mam ekomiti lo ateker acamakin nepe cep da agwelaro naka alupok kanu “akiro nu arokok”.
- d) Alupok nu idari ikoki mam ititingaro karai mam apedor naka ekomiti loka eitela lo ateker.
- e) Arai kegir aberu arai angor nu ejaasi kede apedorosio toma alupok ngun nepepe ka iduwe luipu luepolok, eyangario ebe amamuun acamanar.
- f) Mam alupok nu ebeitos ikoki ecamanikitai idio tunganan agwelar

## **Atutubet nakiuniet – Apedorosio nuka ajaut ka alupok.**

### **EWAI lok'uniet:**

Itunga kere lu ewurikitai arai emanyunitai toma okale, kilema idwe luka aberu lu awurit nesi eroko emanyuna okale lo , ejaasi kede apedorosio nuka ajaut kede alupok.

## **Apedorosio nuka kalu epolokinitos ikalia.**

- a) Itunga lu epolokitos ikalia kesi ejaasi kede apedorosio nu ayait alupok ngun, kede apedor na aikor alupok ngun ne ejaasi imeeban luka ekal kec kede ayuarit da apedorosio nuka alupok nu angor kede nu idwe kane ejaasi ademak.

## **Apedorosio nuka eruman**

- b) Erumak kere luka alupok nu ikalia, ejaasi ka apedorosio ka ipelueik lu aidar alupok nu okalia kec, ka alupok nu alo atwan, kede alupok kere nu mam etiaktiakatai ko kale ka ngol.

## **Apedorosio nuka isap kede apesur nu mam edukokina**

- c) Idwe kere, isap ka apesur lu eurikitai okale ngol ejaasi kede apedor na airum alupok ka papakec kede apedor aitoswam alupok nu ekorakitai kesi.
- d) Idwe lu euruni apese na emanyaritai okale ecie,kes emameete kede apedor airum alupok k'okale ka toto kec.konye epedorio ainakin alupok aitwasam.
- e) Idwe lu eurio k'okale lu mam nuka toto kec edukokina ,ejaasi ka apedorosio kwape ngul lu ewurikitai nen, arai ca nat ketacata luka papa kec Ekingol.
- f) Ejaasi idwe kere kede apedorosio agirokin agwelaro naka alupok nu idarete lu epolokitos ikalia .
- g) Eriakasi apedorosio nu ka apesur nu mam edukokina ka nu isap,aitoswam alupok toni kesi adukokin.
- h) Apesur nu alacakin odukone,kosodete abongun aiboi ore ka papakec kesi ejaasi ka apedorosio kere, kwape luce dwe, isap ka apesur,epedorete idwe aitosom alupok konye mere airum.
- i) Isap kere lu adukokinos kesi eraunos lu epolokitos ikalia ojas ka apedor na akorokor alupok k'okalia kec, ayuarit apedorosio nu alupok nuka angor kede idwe kama ejaas ademak.
- j) Isap kede apesur lu apolooros konye komam edukonokina kes ejaasi ka apedorosio nu aitoswam alupok okal konye edumutu idwe eraunos kesi da apolokinitok ikalia.

## **Apedorosio nuka Apuser**

- k) Ejaasi apuserut ka apedori aseun airumakin arai aigir aigir airumakin ka idio ko opajan luka alo atwan,arai anyoun kotoma okale abongor

orekec.

- l) Apuseru kere, arai irumasi kede etunganan loka ateker kangin arai mam, eraunos apolokitok ikalia kec, ne etwakiata ikilok kec ido kojaas kede apedorosio kere kotoma alupok aidar kede aitoswam kanu idwe kec lu eroko edisiak.
- m) Eseun ateker naka kalo atwan etunganan ediope kama kec ayuarit alupok ngun tetere mam ademak elomarete toma, konye esaleté apuserut ka apedorosio nuka alupok kangun .
- n) Apuserutnaenyouniateker, etwaniari nuk'aingarenikit ekale lo anyounio ngesi kosodete apedorosio nu okale kalo anyounia ngesi ikopakin ne ejai itunganan yen eseuni ateker airum ere ngol.

#### **Apedorosio nuka Ikoki**

- o) Ejaas ikoki kede apedorosio araut yen epolokinit ekal. icorakitai ekomiti lo alupok loka ateker lo Oitela anyun ebe mam alupok nuka ikokiok edemario.

#### **Atutubet Naiwongonet – Eidare loka alupok.**

#### **EWAI lo iwongonet:**

##### **1. Ateker.**

- a) Erai apedori ateker aseun eruman ere kalo atwan kwape apolokiton ekal arai mam lo atwan eseunit eroko ngesi etwana.
- b) Akaulo na idaio naka alo atwan, icorakitai ateker airiamun aseun edaran apuserut ka aseun eruman da.
- c) Korakitai kitolomunai aiwadikaet na aurianet kana aseunere aidaran ka eruman, ka ikiroria lu itunga alu ajaasi auriate, amaapu naka alupok kalo atwan, kosodete aigada ikopin ne ejai ecommittee lo ateker lo Oitela kede ne ijai e *Minista* lo airabet naka ICU.
- d) Itosomai eruman aiwadikaita nu ailipia kane ejai apugan abaluwan

nu itogogongorete ngesi kwape eruman.

##### **2. Ekomiti loka Ateker lo ocaalo**

- a) Ejaunos ekomitin lu enyaritai lkomitin luka atekerin lu Ocaalo .
- b) Eraun ngin idiopet kalu erionget loka ateker lo esipo bon komamei esange, ojaasi ka aikunget ido opedori awosan arai aiwosao kokiror kalo esipor.
- c) Ejaunos itunga 9 toma okomiti lo ojaasi kede aiboisio nuka apolon eicolong kede atupiton lu erasi aberu kede ekilokit, eigirigiran, eengadan, atumunan, ingwalas, ayuara kede angor aarei.ke
- d) Imeeban luka ekomiti loka ateker lo ocaalo kesi eseuno ko tunga kere luka ateker ka ngin, kojaasi kede ireria lu duc ocaalo ngol .
- e) Karai ikidioko itunga luka ateker kana komam epedorete aitolot aseu, epedorete kesi aseun, kwape ateker, kotoma airiamun na ecamunatar kesi alomar okomiti lo ateker *acie* lo ocaalo, lo eseunitos kesi.
- f) Nutupitono, apak na edauni itunganan koyapesi ka adoketa nu ekotoi kesi kere ekotoi koraasi kwape ejatatar kotoma aibunget na ikisila naka ICU, Einos lteso Kopitene.

##### **3. Ipelueik luka Ekomiti loka ateker lo Ocaalo**

Aswamisinei nuka Ekomiti loka Ateker lo Ocaalo kesi nuta:

- a) Atiakun, ayuar, aidar ejok, aiboisio nu edakasi ityang/ibaren, isama, aboisio nuka aboliasio ka ailajanar ne emejao, amagoron ka acie aiboisio nu ejaasi isuban lu ecicing kanuka ateker.
- b) Acamakin ikalia agwelar alupok kec otupakinitos Alosikineta nuka eiswamae kwape ejaatar okisila, luka ane.
- c) Aijukar kingaren, angurian kanu ikamunitos etube lo agwelaro na alupok nu ekale, nejai ekomiti loka ateker lo oitela.
- d) Aijukar ailipa naka idwe lu ekotosi

agwelar alupok,nejai ekomiti loka ateker lo oitela.

- e) Aisisianakin itunga atiokisio nu amamus kede alupok, tetere esacete agwelanar alupok.
- f) Aiwadik orejesita ikiroria luka erumak kede itunga lu epolokitos ikalia kocaaloi kec.
- g) Ayuarit alupok nuka ikokiok kama ejaas ademak.
- h) Adumun abaluwan nu araut ikulepek amagoron kede isuban lu ecicing,kanu ateker, kama ejai e *District Land Board*, erionget loko Distrikt Loepolokit Alupok kanu ayuarit kesi kama ejaas ademak, kanu ikulepek kotoma atekerin.
- i) Aijukar akiro nu imusaagon luka alupok nu mam kesi epedoritos aipur nukec mama ejai ekomiti loka ateker lo ocaalo.
- j) Awanyun ebe itijenikitai itunga alosikineta ka ikisila luikamunitos alupok kere nu ejaasi akanin ka apugan kidarakite itunga kwape isama, amagoron, kiceda.
- k) Aidar aiwadikaeta nuikamunitos alupok kere kotoma ocaalo kede ayuarit ka aimaniman isama, awaitin nu ideikitai irootin, amagoron, kice da kanuka ajokis naka itunga kere.
- l) Aisinyikokin aira Ejumula/Eligoi kwape eikoru ka ainomun amaapu naka alupok eroko iceleta elomuna.
- m) Aipup ka aitub imusaagon luka alupok nuka ateker kwape ejaar kotoma Okisil loka Alupok 1998 kwape iteteunitere.

#### 4. Aurianeta

- a) Apolon eicolong ngesi ebeit apolokit aurianeta kere nuka ekomiti loka ateker lo ocaaloido ejasi ka aseetait na duc kana itutubi, ne ikarunotor iwaitin kotoma aise.
- b) Ne emamiaryeni epolokinit eicolong, ebuni atupiton ke alomar akeje ke kede ajaut ka apedor na aseunet na itutubi akiro nu ikaruna.
- c) Erai emamiatar apolon eicolong,iboikin atupiton ke oicolong

apolokin aurianeta kere nu ekomiti lo ateker loka ateker lo ocaalo ido ejaunos kede aseetait na duc kana itutubi,ne ikarunotor iwaitin kotoma aise.

- d) Ecorakinitai imeeban 5 airiamun korasi apolon eicolong, atupiton apolon eicolong, ingwalas, aberu kede eigirigiran, kidimi arai, ne itupucere itunga lu eseunitai.

#### 5. Ekomiti loka ateker lo Oitela

- a) Ejaun ekomiti lo enyaritai ekomiti loka ateker loka oitela
- b) Erai lo erionget loka ateker lo oitela lo esipo bon komamei esange, kojaasi ka aikunges ido epedori awosan arai aiwosao kokiror kalo esipor.
- a) Ejaunos itunga 9 toma okomiti lo ojaasi kede aiboisio nuka apolon eicolong kede atupiton lu erasi aberu kede ekilokit, eigirigiran, eengadan, atumunan, ingwalas, ayuara kede angor aarei.
- b) Imeeban luka ekomiti loka ateker lo ocaalo kesi eseuno ko tunga kere luka ateker ka ngin, kojaasi kede ireria lu duc ocaalo ngol.  
Karai ikidioko itunga luka ateker kana komam epedorete aitolot aseu, epedorete kesi aseun, kwape ateker, kotoma airiamun na ecamunatar kesi alomar okomiti lo ateker *acie* lo ocaalo,lo eseunitos kesi.
- c) Nutupitono, apak na edauni itunganan koyapesi ka adoketa nu ekotoi kesi kere ekotoi koraasi kwape ejatatar kotoma aibunget na ikisila naka ICU, Einos Iteso Kopitene.

#### 6. Ipelueik luka Ekomiti loka ateker lo Oitela

Aswamisinei nuka Ekomiti loka ateker lo Oitela kesi nuta:

- a) Atiakun, ayuar, aidar ejok, aiboisio nu edakasi ityang/ibaren, isama,aboisio nuka aboliasio ka ailajanar ne emejao, amagoron ka acie aiboisio nu ejaasi isuban lu ecicing kanuka ateker.
- b) Aipup imusaagon lujjukununete ikomitin lu atekerin lu ocaaloi.

- c) Aisisianakin itunga atiokisio nu amamus kede alupok, tetere esacete agwelanar alupok.
- d) Aijukar akiro nu imusaagon luka alupok nu mam kesi epedoritos aipur nukec mama ejai ekomiti loka ateker lo Otem.
- e) Awanyun ebe itijenikitai itunga alosikineta ka ikisila luikamunitos alupok kere nu ejaasi akanin ka apugan kidarakite itunga kwape isama, amagoron, kiceda.
- f) Aidar aiwadikaeta nuikamunitos alupok kere kotoma ocaalo kede ayuarit ka aimaniman isama, awaitin nu ideikitai irootin, amagoron, kice da kanuka ajokis naka itunga kere.

## 7. Aurianeta

- a) Apolon eicolong ngesi ebeit apolokit aurianeta kere nuka ekomiti loka ateker lo oitela ido ejasi ka aseetait na duc kana itutubi, ne ikarunotor iwaitin kotoma aise.
- b) Ne emamiar yeni epolokinit eicolong, ebuni atupiton ke alomar akeje ke kede ajaut ka apedor na aseunet na itutubi akiro nu ikaruna.
- c) Arai emamei apolon eicolong,iboikin atupiton ke oicolong apolokin aurianeta kere nu ekomiti loka ateker lo oitela ido ejaunos kede aseetait na duc kana itutubi,ne ikarunotor iwaitin kotoma aise.
- d) Icorakitai imeeban 5 airiamun korasi apolon eicolong, atupiton apolon eicolong, ingwalas, aberu kede eigirigiran, kidimi arai, ne itupucere itunga lu eseunitai.

## 8. Ekomiti loka Ateker lo Otem

- a) Ejaun ekomiti lo enyaritai ekomiti loka ateker lo Otem
- b) Erai lo erionget loka ateker lo Otem lo esipo bon komamei esange, kojaasi ka aikunges ido epedori awosan arai aiwosao kokiror kalo esipor.
- c) Ejaunos itunga 9 toma okomiti lo, ojaasi kede aiboisio nuka: apolon eicolong kede atupiton lu erasi aberu kede ekilokit, eigirigiran, eengadan,

atumunan, ingwalas, ayuara kede angor aarei.

- d) Imeeban luka ekomiti loka ateker lo Otem kesi eseuno ko tunga kere luka oitela kangun, kojaasi kede ireria lu duc oitela ngun .
- e) Nutupitono, apak na edauni itunganan koyapesi ka adoketa nu ekotoi kesi kere ekotoi koraasi kwape ejatatar kotoma aibunget na ikisila naka ICU, Einos lteso Kopitene

## 9. Aswamisinei nuka ekomiti loka Ateker lo Otem

Aswamisinei nuka Ekomiti loka ateker lo Otem kesi nuta:

- a) Atiakun, ayuar, aidar ejok, aiboisio nu edakasi ityang/ibaren, isama,aiboisio nuka aboliasio ka ailajanar ne emejao, amagoron ka acie aiboisio nu ejaasi isuban lu ecicing kanuka ateker
- b) Aipup imusaagon lujukununete ikomitin lu atekerin lu oitela.
- c) Aijukar ailipa naka idwe lu ekotosi agwelar alupok,nejai ekomiti loka ateker lo o distrikt.
- d) Aisisianakin itunga atiokisio nu amamus kede alupok, tetere esacete agwelanar alupok.
- e) Aijukar akiro nu imusaagon luka alupok nu mam kesi epedoritos aipur nukec mama ejai ekomiti loka ateker lo o Distrikt.
- f) Awanyun ebe itijenikitai itunga alosikineta ka ikisila luikamunitos alupok kere nu ejaasi akanin ka apugan kidarakite itunga kwape isama, amagoron, kiceda.
- g) Aidar aiwadikaeta nuikamunitos alupok kere kotoma otem kede ayuarit ka aimaniman isama, awaitin nu ideikitai irootin, amagoron, kice da kanuka ajokis naka itunga kere.
- h) Aisinyikokin aira Ejumula/Eligoj kwape eikoru ka ainomun amaapu naka alupok eroko iceleta elomuna.
- i) Aipup ka aitub imusaagon luka alupok nuka ateker kwape ejaar

kotoma Okisil loka Alupok 1998 kwape iteteunitere.

## 10. Aurianeta

- e) Apolon eicolong ngesi ebeit apolokit aurianeta kere nuka ekomiti loka ateker lo otem ido ejasi ka aseetai na duc kana itutubi, ne ikarunotor iwaitin kotoma aise.
- f) Ne emamiar yeni epolokinit eicolong, ebuni atupiton ke alomar akeje ke kede ajaut ka apedor na aseunet na itutubi akiro nu ikaruna.
- g) Arai emamei apolon eicolong,iboikin atupiton ke oicolong apolokin aurianeta kere nu ekomiti loka ateker lo otem ido ejaunos kede aseetai na duc kana itutubi,ne ikarunotor iwaitin kotoma aise.
- h) Icorakinitai imeeban 5 airiamun korasi apolon eicolong, atupiton apolon eicolong, ingwalas, aberu kede eigirigiran, kidimi arai, ne itupucere itunga lu eseunitai.

## 11. Ekomiti loka Ateker lo oDistrikt

- a) Ejaun ekomiti lo enyaritai ekomiti loka ateker lo o Distrikt.
- b) Erai lo erionget loka ateker lo oDistrikt lo esipo bon komamei esange, kojaasi ka aikunges ido epedori awosan arai aiwosao kokiror kalo esipor.
- c) Ejaunos itunga 9 toma okomiti lo ojaasi kede aiboisio nuka apolon eicolong kede atupiton lu erasi aberu kede ekilokit, eigirigiran, eengadan, atumunan, ingwalas, ayuara kede angor aarei.
- d) Imeeban luka ekomiti loka ateker lo o Distrikt kesi eseuno ko tunga kere luka Otemuan
- e) kangun, kojaasi kede ireria lu duc otemuan ngul.
- f) Nutupitono, apak na edauni itunganan koyapesi ka adoketa nu ekotoi kesi kere ekotoi koraasi kwape ejatitari kotoma aibunget na ikisila naka ICU, Einos Iteso Kopitene

## 12. Aswamisinei nuka ekomiti loka Ateker lo o Distrikt.

Aswamisinei nuka Ekomiti loka ateker lo o District nuta:

- a) Atiakun, ayuar, aidar ejok, aiboisio nu edakasi ityang/ibaren, isama,aboisio nuka aboliasio ka ailajanar ne emejao, amagoron ka acie aiboisio nu ejaasi isuban lu ecicing kanuka ateker.
- b) Aipup imusaagon lujukununete ikomitin lu ateker lu otemuan.
- c) Aisisianakin itunga atiokisio nu amamus kede alupok, tetere esacete agwelanar alupok.
- d) Aiwadik orejesita ikiroria luka erumak kede itunga lu epolokitos ikalia kocaalo kec.
- e) Adumun abaluwan nu araut ikulepek kopitene, kanu aiboisio nu icokio akituk, isama,aboliasio ka ailajaanar, ne itolosere asubanasia nuka epitene, ne emejaere, amagoron kede isuban lu ecicing,kanu ateker, kama ejai e *District Land Board*, erionget loko Distrikt Loepolokit Alupok kanu ayuarit kesi kama ejaas ademak, kanu ikulepek kotoma atekerin.
- f) Aijukar akiro nu imusaagon luka alupok nu mam kesi epedoritos aipur nukec mama ejai Ekaasulo loka ICU.
- g) Awanyun ebe itijenikitai itunga alosikineta ka ikisila luikamunitos alupok kere nu ejaasi akanin ka apugan kidarakite itunga kwape isama, amagoron, kiceda.
- h) Aidar aiwadikaeta nuikamunitos alupok kere kotoma ocaalo kede ayuarit ka aimaniman isama, awaitin nu ideikitai irootin, amagoron, kice da kanuka ajokis naka itunga kere.
- i) Aipup ka aitub imusaagon luka alupok nuka ateker kwape ejaar kotoma Okisil loka Alupok 1998 kwape iteteunitere.

## 13. Aurianeta

- a) Apolon eicolong ngesi ebeit apolokit aurianeta kere nuka ekomiti loka

ateker lo ocaaloido ejasi ka aseetai na duc kana itutubi, ne ikarunotor iwaitin kotoma aise.

- b) Ne emamiar yeni epolokinit eicolong, ebuni atupiton ke alomar akeje ke kede ajaut ka apedor na aseunet na itutubi akiro nu ikaruna.
- c) Erai emamiatar apolon eicolong, iboikin atupiton ke oicolong apolokin aurianeta kere nu ekomiti lo ateker loka ateker lo ocaalo ido ejaunos kede aseetai na duc kana itutubi, ne ikarunotor iwaitin kotoma aise.
- d) Icorakinitai imeeban 5 airiamun korasi apolon eicolong, atupiton apolon eicolong, ingwalas, aberu kede eigirigiran, kidimi arai, ne itupucere itunga lu eseunitai.

#### 14. ICU

- a) Erai ICU aitutuket na erionget lo einono loka Ateker na epoloi, k'okiror ke ido kojai apedor kotoma okisila aiwosa arai aiwosao k'okikor ke.
- b) Ejai ICU adumun aiwadikaeta nu itogogongoritos ajakus kede aiboisio nu epitene kosodi ayuarit kesi kama ejaasi ademak k'okiror loka Iteso lu ejaas ikulepek alupok ko Teso.

#### 15. Imeeban luka Ekaasulo loka ICU

- a) Imeeban lu kwana edukunitos Ekaasulo loka ICU kesi luta:
  - I. Abwoikinitok iiarei, ekilokit kede aberu lu eseunitos ikomitin lu otem.
  - II. Aberu adiope kede atumunan idiope kotoma ngol distrikt.
  - III. Apolon eicolong ekomiti loka ateker lo Distrikt.
  - IV. Abwoikinan ka ingwalasik, koseunitete kotoma okomiti loka ateker lo Distrikt.
  - V. Ageunak atukot na ICU.
- b) Nutupitono, apak na edauni itunganan koyapesi ka adoketa nu ekotoi kesi kere ekotoi koraasi kwape ejatatari kotoma aibunget na ikisila naka ICU, Einos Iteso Kopitene

#### 16. Aswamisinei nuka Ekaasulo loka Einos Iteso Kopitene (ICU)

Aswamisinei nuka Ekaasulo loka Einos Iteso Kopitene kes nuta:

- a) Atiakun, ayuar, aidar kede aingarakit aiboisio nuka epitene ko Teso.
- b) Aimaniman kanu aanyun nu tupitono ka eiswamae lo aidar alupo nuk' o Teso.
- c) Aibwokit epelu lo asesen eipone lo idarere alupok kere nu ateker na Iteso.
- d) Ajaut kede apedorosio aidar aiwadikaeta nuikamunitos nuka alupok ko Teso.
- e) Aanyun ebe imusagon kede eitutube loka imusaagon ka ikomitin luka ateker iriamara kede alosikineta kede eiswamae nuka okisila luka apugan kede ayangaun eiswamae lo eirian.
- f) Aingic akiro nu etapit ayangaunun eigur kanu alupok tetere aitolomun eiswamae lo itidisiari ingingeta lu eyangaunete ibakor kede amamus kede alupok.

#### 17. Aurianeta

- a) Apolon eicolong ngesi ebeit apolokit aurianeta kere nuka ekaasulo loka ICU ido ejasi ka aseetai na duc kana itutubi, ne ikarunotor iwaitin kotoma aise.
- b) Ne emamiar yeni epolokinit eicolong, ebuni atupiton ke alomar akeje ke kede ajaut ka apedor na aseunet na itutubi akiro nu ikaruna.
- c) Arai emamei apolon eicolong, iboikin atupiton ke oicolong apolokin aurianeta kere nu ekomiti lo ateker loka ateker lo ocaalo ido ejaunos kede aseetai na duc kana itutubi, ne ikarunotor iwaitin kotoma aise.
- d) Etiai lo imeeban lu ebeit ajaun kanu aitolot airabet naka ICU ngesi ejai toma aibunget na ikisila naka ICU .



## Atutubet naikanyet – Eipone lo itolosere Agwelanari naka Alupok ko Teso.

### 18. Nutupitono ecamakinio agwelario naka alupok

- a) Apolokiton ekale lo ekoto agwelar alupok nesi ebeit ber ainerun kede itunga luka okale ke, arai iboyete ka ngesi arai mam, ibore ekotor ngesi agwelar alupok.
- b) Ejai do apolokiton loka ekale kalo alimokin apolon eicolong loka ateker lo ocaalo 'akiro nu apolok' nu ikamunitos alosikinet ke, agwelar alupok.
- c) Ejaun do apolon eicolong loka ateker lo ocaalo airiamun kede itunga lu okale kangol, aitigogongor arai ecamunitos kesi agwelar alupok. Igiruno do aiwadikaet na acamun, na idokokinete apolon k'eicolong kede emeeba ediope lo okomiti akanin kwape ajenak.

### 19. Nutupiton igiruno eikor lo alupok nu ebeit agwelar

- a) Epote imeeban luka ekal kalo ekoto agwelar alupok alimokin ikalia ice lu ateker kec, arai ejai kam kec yen ekoto agwel alupok ngun, arai ke mam yen epedori arai bo nat kelemu lu ikidioko adepar etiai lo ti egwelarere kapakio kangun, epedori do apolon k'ekale kalo awear akiro nenice ebe tetere do egwelaro alupok ngun kinga naka ateker.
- b) Yen ekot agwel, lo agwelaran, iidunyeta kere lu alupok kanu, ka apolon k'eicolong lo Okomiti loka Ateke lo ocaalo, ka LC1 loka atutubet kangin, na ejaas alupok nu, kesi kere icorakitai alosit ne ejaas alupok ngun kosodete aitogogong ka acamanar ne itorit eikor arai ikoruo, kosodete aira Ejumula/Eligoi lo erai ejenunet.
- c) Icorakitai LC1 aanyun ebe igiruno amaapu naka alupok nu ebeit agwelar, itoduunite alalau ka awojau na alupok, ariino, ikiroria luka idunyeta, icie lu etakanete kalu.
- d) Icorakitai itunga luta aidokokin

akanin kec toma amaapu: Agwelan, Agwelaran, LC1, lidunyeta, Ajenak lu ecamunitai kede apolon k'eicolong ekomiti loka ateker lo Ocaalo.

### 20. Agirun aitutuket na Egwelet

- a) Icorakitai do LC1 agirun aitutuket, itwasamai kwape na ingarenikit, ainapeta nuka ekisil loka alupok 2002, kwape iteteunitere, icorakitai do kimorikikete ebalua loka ekale lo ecamunitotor kesi agwelario na alupok, ka acamunet naka angor nu okale kangon.
- b) Kedau agwelan aitac iboro kwape acamanarotor kotoma ogwelet kec, icorakitai luta aidokokin akanin kec aitutuket: agwelan, lo agwelaran, , aberu arai angor ka agwelaran kosodi LC1 ka apolon eicolong k'ekomiti loka ateker lo ocaalo arai atupiton ke.
- c) Icorakitai LC1 aitolomun ikopin ikany(5) luka aitutuket na egwelet na idokokitai akanin nepepe ka amaapu na alupok nu agwelar kosodi aijaikin nginidiope kalu ekopi ke: agwelaran, apolon eicolong ekomiti loka ateker lo ocaalo, e recorder/ eiwadikan, airabet, na ICU, afailo naka LC1 kosodi na agei( *original*), ijaikino lo agwelan alupok.

### 21. Ne ijukara Aimony Ace

Idio tunganan kere yen enguriani eipone lo etubitere akiro ngesi epedori aijukar aimony ke adoketa nuk'okuju, ageun ko ocaalo, oitela, otem, Odistrikt kitoni airabet na ICU, katupankineta.

### 22. Aitisilanareta

- a) Alupok kere nu egwelaro komam etupitai nutupitono kanu iswam kokisil kalo kesi mam egwelara.
- b) Idio itunganan kere yen egwelari alupokkomamedumunitacamanaret na iwadikatai kane ejaasi itunga luk'okale, angor, kede ekomiti lo ateker lo ocaalo loka alupok nesi icorakinitai ainyakakin yen agweli

alupok ngun iboro ke kere lu atacit. Erai epelu kalo egwelari aitoduun ebe ecamakitai ngesi agwelar alupok ngun. Ejai do ekomiti lo ateker aingarakin yen agwelan ainyakun iboro ke kere kane ejai lo ti agwelarit.

- c) Inyakari do ekomiti lo ateker lo ocaalo alupok nuagwelaritai komam ecamakitai, kane ejai lo egwelit kosodi ainyakakin ekale lo agwelitere.
- d) Idio itunganan kere yen egwelari alupok komam ekomiti lo ateker lo ocaalo, itunga luk'okale kede angor ecamakitos ngesi ebeit aitac igaraman kere lu itutubi ekomiti lo Ateker lo ocaalo ka ikomitin ice da luyekakino akiro.
- e) Idio itunganan kere yen ejepari Ejumula/Eligoi arai ejenunet lo eikor loecamunitai nesi edyakari ido itisilaaro kotoma Okisila luko Uganda.

### **23. Atutubet naikanyet kape – Ikisila**

#### **Ikisila:**

- 1) Einos lteso kopitene (ICU) ebeit aitodolikin nutupitono kanuiswama.
- 2) Komam aimen nu elimoro kanu ekokoro (1) ido kotupitete ikisila luko Uganda, epedori ICU:-
  - a) Aitatac itunga ikapun kanu aitolomuun aiwadikaeta nuka alupok.
  - b) Aitutub etiai lo ikapun lu elosete ikomitin luka ateker aitwsam kanu aitolot alosikineta.
  - c) Aitutub isirigin lu etacio kanu adumun aikunget kanuka alupok nu egwelaro ka aitogogongor eipone lo ekorokoroere.
  - d) Aitutub adiokiro kere nuerucokina kanu nutupitono nu ejaasi ne